

Scriptori digne (jam?) costa affatur in igne.

VII. fol. 127. *Visio quam Ulricus sacerdos vidit licet indignus de volchenmarcht prepositus archidyaconus karintie.* Init: *Quia proprium est invidorum que bona audierunt, animo tabefacto laceffere, et falsa ueris sub specie veri immiscere, idcirco ego Ulricus de volchenmarcht (Volkenmarkt Gentiforum Civitas ad Dravum) prepositus licet indignus visionem, quam dominus ihesus christus mihi per gratiam suam reuelare dignatus est, fratribus qui id audire voluerint, non fastu presumcionis alicuius sed spe correctionis fideliter enotare proposui.* Anno igitur gratie M<sup>o</sup>. CC<sup>o</sup>. XL<sup>o</sup>. in festo sancti siluestri pape cepi grauiter infirmari &c. Narratio Beatorum felicitatem et Impiorum supplicia sub varia allegoria depingit ad modum plurium eiusmodi Visionum, quae feruntur. Illud singulare, quod refert *Ulricus*, dum *εκατακος* super lectum prius unguento balsamato perunxum ab Angelo ductore quiescere iuberetur, eodem tempore hos, qui circa illum erant, ex eo sensisse *procedere insoliti odoris fragrantiam*. Accedit pium Commentum de quodam Episcopo, cui Deus pro aliquot diebus sceptrum, thronum et gubernationem rerum humanarum permiserat, item series Verficulorum moralium levis momenti, omniaque in miniatam hanc exeunt clausulam: *Explicit opus venerabilis doctoris Origenis super Cantica Canticorum Salomonis Comparatum tempore domini*

*Georgii prioris karth. in kungswelt, et post quaedam erasa: Sabbato ante oculi. Anno incarnationis Millesimo domini CCCC. Hec tibi Sancta Trinitas quia tu laborem et dolorem consideras. Item Imprecatio: Iste libellus est domus sancte trinitatis prope brunnam ordinis carthusien. Non furto auferatur sub pena eterne mortis quam sancta trinitas fulminabit iusto sancto suo iudicio super delinquentem. Cur Carthusia ista hic in Königsfeld dicta supra N. V. in Nova Valla s. Valle dicatur, nescio.*

## CCCLXIX.

Codex membraneus lat. Sec. R. 820 XII. Folior. 317. f. max. per duas columnas nitidissime exaratus, rubricis distinctus, et, ut manus Sec. XIV. praenotavit: *Liber de Maur. ecclesia*, demum *Collegii Vienn. Soc. Jesu* egregium Exemplar est B. Gregorii Papae *Moralium* siue *Expositionis in Job*. Praescripta illi est Narratio de rursus *Romae* reperto hoc Opere manu Sec. XIV. phrasi paullum varians ab ea, quam *Mauriani* T. I. *Opp. Gregorii* exhibent. *Cyndesindus* eorum Rex nobis *Xyndesindus* est, eorum Episcopus *Tagio* vel *Trajo* nobis *Baro*. Extrema nobis: *Hec visio in omnibus libris moralium ante ipsum prologum per totam Hispaniam invenitur. Tu &c.* Id est: *Tu autem, Domine! miserere nobis.* Formula haec est terminandi *Lectiones in Officio Chori,*

ri, unde liquet, in Ecclesia quadam hanc Narrationem in B. *Gregorii* Festo ad Matutinum quondam lectam fuisse, aut fortassis etiam nunc legi. Operis jam initium, ut in Editis: *Reuerentissimo — Dudum te frater beatissime &c.* Divisio Librorum XXXV. exacta est; Capitum vero loco breviores Articuli literis majusculis miniatis distinguuntur. Quae tractantur, indicantur in margine Lemmatibus; haec autem post Libri XXVI. medium disparent. Lectio valde correctata est, vixque notari merentur, quae percurrendo praeviam ad *Leandrum* Epistolam observavi: *tutissimi litoris pro tuti, quam habendo pro quia, internis ministeriis rectius pro mysteriis, licentius incubarem pro excubarem, iuncti caritate pro vincti, lassatusque occubui pro succubui &c.* Ad calcem litera quadrata miniata: *Explicit Magnus Liber De Moralibus Beati Job.* Autoris nomen toto Opere, si tardius scriptam *Narrationem* illam demas, non comparet.

CCCLXX.

R. 58 Codex membraneus lat. Sec. XIII. Folior. olim praeter Indices praemissos 284. nunc una cum iis 270. f. per duas columnas nitidissime, sed minutius exaratus, et coloribus distinctus Exemplum est *S. Gregorii Moralium in Job* omnino speciosum, quo magis indigneris infans Furcifero, qui pluribus in locis illud literarum deauratarum ergo mutilavit. Praemif-

fus est Index rerum notabilium. Hunc excipiunt *Librorum XXXV. Capita* aliter tamen distributa, quam in Edit. *Maur. Paris. 1705.* f. Succedit Relatio illa de inventis Libris *Moralium S. Gregorii*, quae etiam in dicta Edit. praesto est, nobis autem ita excisa, ut nihil aliud observari possit, quam a vulgata penitus diversam fuisse. Incipit enim: *Cindasuindus rex goth — —* Idem indicant et reliqua linearum, quae supersunt, initia. Truncata pariter est cum hac Relatione, quae illi cohaerebat, *Epistola ad Leandrum* usque ad illa verba: *discesserat. quo pacto hanc fieri solitariam exorat.* Atque ita deinceps plurium Librorum initia ob characteres auro coloribusque illustres imitem cultrum experta sunt. Ceterum omnia solertiae vestigia Codex exhibet; Numeri *Partium* et *foliorum* in fronte, *Capitum* in Lateribus paginarum adsunt a prima manu, quin et varietas lectionis, quae et si cum Editis plurimum conspiraret, conferri tamen olim meruisset Exemplar; mox enim in *Praefat.* f. ve C. I. pro: *Israeliticorum Judicum tempore fuisse signatur*, legit: *yfraelitarum regum tempora preihsse perhibetur*, quod Editoribus in nullo suorum Codicum occurrisset videtur. Ad calcem haec legas: *Hoc opus finitum est cum auxilio ihesu christi Anno ab incarnatione domini nostri ihesu christi. M. CC. XXXIII. IX. die exeunte mense marcii. tempore domini gregorii pape noni.* Qui anno sequente *Decretales* suas emisit.

CCCLXXI.